

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
GRAD GORAŽDE
SLUŽBA ZA BORAČKO - INVALIDSKU I SOCIJALNU
ZAŠTITU



BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAŽDE
CITY OF GORAŽDE
DEPARTMENT FOR VETERANS - DISABLED PERSONS AND
SOCIAL PROTECTION

Broj:02-Istemo/21
Goražde: 12.07.2021 godine

Gradsko vijeće Grada Goražda

PREDMET: Prijedlog Odluke o usvajanju Programa raspodjele i utroška novčanih sredstava planiranih budžetom Grada Goražda za 2021. godinu, na poziciji Beneficije za socijalnu zaštitu–Ekonomski kod 614-231, dostavlja se.-

U prilogu ovog akta dostavljamo Vam prijedlog Odluke o usvajanju Programa raspodjele i utroška novčanih sredstava planiranih budžetom Grada Goražda za 2021. godinu, na poziciji Beneficije za socijalnu zaštitu – Ekonomski kod 614-231, kako bi se ista uvrstila na sljedeću sjednicu gradskog vijeća na razmatranje i usvajanje.

S poštovanjem,

U prilogu:

Prijedlog Odluke,

Pomoćnik Gradonačelnika

Enver Adžem dipl.pravnika

DOSTAVLJENO:

1. Naslovu,
2. Evidenciji,
3. A/a.

PREDLAGAČ
GRADONAČELNIK

Ernest Imamović

Na osnovu člana 17. i 88. Statuta Grada Goražda („Službene novine Grada Goražda“ broj: 05/18) i Člana 33. Odluke o izvršenju budžeta Grada Goražda za 2021. godinu („Službene novine Grada Goražda“ broj: 04/2021), Gradsko vijeće Grada Goražda na sjednici održanoj dana2021 godine, donosi:

O D L U K U

O usvajanju Programa raspodjele i utroška novčanih sredstava planiranih budžetom Grada Goražda za 2021. godinu, na poziciji Beneficije za socijalnu zaštitu – Ekonomski kod 614-231.

Član 1

Ovom Odlukom usvaja se Program raspodjele i utroška, korisnici, kriteriji i postupak dodjele novčanih sredstava na poziciji Beneficije za socijalnu zaštitu, planiranih u budžetu Grada Goražda za 2021. godinu („Službene novine Grada Goražda“ broj: 04/21).

Član 2

Budžetom Grada Goražda za 2021. godinu sredstva iz člana 1. ove Odluke utvrđena su u ukupnom iznosu od 70.000,00 KM na poziciji Beneficije za socijalnu zaštitu ekonomski kod 614-231.

Član 3

Period realizacije Programa je 12. mjeseci od 01.01.2021. do 31.12.2021. godine.

Član 4

Korisnici sredstava

1. Lica koja se nađu u stanju socijalne potrebe i/ili potrebe za liječenjem i nabavkom lijekova.
2. Majke/porodilje novorođenog djeteta.
3. Porodice korisnika stalne novčane pomoći za troškove dženaze-sahrane.

Član 5

Cilj i svrha programa

Cilj Programa je da se planirana budžetska sredstva za 2021. godini u iznosu 70.000,00 KM, planski i transparentno utroše u skladu sa Odlukom o izvršenju budžeta Grada Goražda za 2021. godinu i kriterijima koji su utvrđeni Odlukama Gradskog vijeća.

Planirana sredstva namjenski će se trošiti za:

- Jednokratne novčane pomoći licima koja se nađu u stanju socijalne potrebe, za nabavku osnovnih životnih namirnica i pomoći u liječenju i nabavku lijekova, participacija troškova dženaze-sahrane korisnika stalne socijalne novčane pomoći i pomoći majci/porodilji novorođenog djeteta.

Član 6

Plan raspodjele i utroška novčanih sredstava

Sredstva iz člana 2. ove Odluke u iznosu od 70.000,00 KM na poziciji Beneficije za socijalnu zaštitu - ekonomski kod 614-231, raspoređuju se za sljedeće namjene:

- | | | |
|-----|----------------|--|
| I | 25.000,00 KM - | jednokratne novčane pomoći majci/porodilji novorođenog djeteta |
| II | 25.000,00 KM- | jednokratne novčane pomoći licima koja se nalaze u stanju socijalne potrebe i/ili potrebe za liječenjem i nabavkom lijekova, |
| III | 15. 000,00 KM | troškovi dženaze-sahrane korisnika stalne novčane pomoći, |
| IV | 5. 000,00 KM- | neplanirani troškovi |

Član 7

Korisnici, kriteriji i postupak dodjele sredstava na poziciji Beneficije za socijalnu zaštitu - ekonomski kod 614-231 prema planu iz člana 6. ove Odluke:

I Jednokratne novčane pomoći majci/porodilji novorođenog djeteta- iznos sredstava 25.000,00 KM.

Pravo na jednokratnu novčanu pomoć imaju majke/porodilje novorođenog djeteta koje imaju prebivalište na teritoriji Grada Goražda, a postupak i kriteriji dodjele su utvrđeni Odlukom Gradskog vijeća Grada Goražda o dodjeli jednokratne novčane pomoći majci/porodilji novorođenog djeteta.

Sredstva se dodjeljuju na osnovu podnesenog zahtjeva sa potrebnom dokumentacijom Službi za boračko-invalidsku i socijalnu zaštitu koja provodi postupak i donosi rješenje.

II Jednokratne novčane pomoći licima koja se nađu u stanju socijalne potrebe i/ili potrebe za liječenjem i nabavkom lijekova - iznos sredstava 25.000,00 KM,

a) Korisnici sredstava

Jednokratne novčane pomoći licima koja se nađu u stanju socijalne potrebe dodjeljuju se prema Odluci Gradskog vijeća Grada Goražda o korisnicima, kriterijima i postupku ostvarivanja prava na jednokratnu novčanu pomoć iz Budžeta Grada Goražda, („Sl. Novine Grada Goražda“ broj: 07/21).

b) Postupak dodjele novčanih sredstava

Sredstva se dodjeljuju na osnovu podnesenog zahtjeva od fizičkih lica, udruženja, mjesnih zajednica, Centra za socijalni rad i drugih ustanova socijalne i zdravstvene zaštite ako podnose zahtjev za jednokratnu novčanu pomoć u ime svojih članova. Zahtjev mora biti obrazložen i dostavljena dokumentacija kao prilog iz koje se može vidjeti opravdanost zahtjeva. Potrebna dokumentacija koja se prilaže uz zahtjev je: dokaz o broju članova porodice – kućna lista, dokaz da podnositelj zahtjeva i punoljetni članovi njegove porodice nisu u radnom odnosu, medicinska dokumentacija sa propisanom terapijom, eventualnim računima o troškovima liječenja i eventualne preporuke udruženja ili drugih institucija, kao i dokaz da nisu ostvarili pravo na troškove liječenja i nabavku lijekova putem drugih institucija i druga potrebna dokumentacija na zahtjev Komisije.

Dodjelu sredstava vrši Gradonačelnik Goražda na prijedlog Službe za boračko-invalidsku i socijalnu zaštitu ili mišljenja Komisije koja razmatra podnesene zahtjeve.

III Troškovi dženaze-sahrane korisnika stalne novčane pomoći – iznos sredstava 15.000,00

a) Korisnici sredstava

Pravo na dodjelu jednokratnih novčanih pomoći za troškove dženaze-sahrane ostvaruju lica koja snose troškove dženaze umrlog korisnika stalne socijalne novčane pomoći, a visini, kriteriji i postupak dodjele novčanih sredstava su određeni Odlukom Gradskog vijeća Grada Goražda o korisnicima, kriterijima i postupku ostvarivanja prava na jednokratnu novčanu pomoć iz Budžeta Grada Goražda, („Sl. Novine Grada Goražda“ broj: 07/21).

b) Postupak dodjele novčanih sredstava

Sredstva se dodjeljuju na osnovu podnesenog zahtjeva sa potrebnom dokumentacijom Službi za boračko-invalidsku i socijalnu zaštitu. Gradonačelnik odobrava sredstva nakon provedenog postupka i donezenog rješenja od strane Službe za boračko-invalidsku i socijalnu zaštitu.

IV Neplanirani troškovi -iznos sredstava 5.000,00 KM

a) Korisnici sredstava:

Korisnici ovih sredstava su lica i porodice gdje je potrebno hitno reagovati kako bi se prevazišli određeni problemi, kao što su hitno liječenje u slučaju iznenadne bolesti, smrtni slučajevi, obilazak porodica boračkih i socijalnih populacija, rješavanje stambenih pitanja, plaćanja troškova vještačenja po rješenju nadležnog suda i druge izvanredne situacije.

b) Postupak dodjele novčanih sredstava

Novčana sredstva zaključkom dodijeljuje Gradonačelnik, a Incijativu za dodjelu novčanih sredstava po ovom osnovu mogu dati Udruženja, Zdravstvene ustanove, Centar za socijalni rad, Mjesne zajednice, Služba i druga pravna i fizička lica, ukoliko su mišljenja da je određeno lice ili porodica u teškoj situaciji i da treba odmah intervenisati.

Pomoć ovim licima vršit će se dodjelom novčanih sredstava ili paketa sa osnovnim životnim namircicama i ista će se uručivati prilikom kućne posjete ili isplaćivati licu kome je potrebna pomoć.

Član 8

Gradonačelnik Goražda imenuje Komisiju za razmatranje zahtjeva fizičkih i pravnih lica za dodjelu sredstava po ovoj Odluci.

Komisija uvidom u priloženu dokumentaciju, utvrđivanjem činjenica na licu mjesta ili na neki drugi način cijeni opravdanost svakog zahtjeva pojedinačno, daje svoje mišljenje o svakom zahtijevu i o tome sastavlja zapisnik o bitnim činjenicama, a na osnovu kriterija iz Odluke uz primjenu zakonskih propisa koji regulišu socijalnu zaštitu.

Član 9

Za provođenje ove Odluke zadužuje se Gradonačelnik Goražda, Služba za boračko-invalidsku i socijalnu zaštitu i Služba za finansije, trezor i privredu svako u okviru svoje nadležnosti.

Član 10

Gradonačelnik Goražda u skladu sa članom 15. Odluke o izvršenju budžeta Grada Goražda za 2021. godinu zbog neusklađenosti prihoda i rashoda sredstava u toku budžetske godine može obustaviti izvršenje pojedinih rashoda i izmjeniti dinamiku doznake sredstava po pojedinim stawkama iz ove Odluke.

Član 11

O utrošku sredstava dodjeljenih po osnovu ove Odluke, Služba za boračko-invalidsku i socijalnu zaštitu podnosi izvještaj Gradonačelniku Goražda i Gradskom vijeću.

Član 12

Ova Odluka stupa na snagu 8 (osmog) dana od dana objavljivanja u Službenim novinama Grada Goražda.

Broj: _____.

Goražde, _____. 2021. godine.

**PREDSJEDAVAJUĆA
GRADSKOG VIJEĆA**

Bajro Obuća

O B R A Z L O Ž E N J E

Osnov za donošenje ove Odluke je budžet Grada Goražda za 2021. godinu i član 33. Odluke o izvršenju budžeta Grada Goražda za 2021. godinu. Obzirom da na teritoriji Grada Goražda ima veliki broj lica koja se nalaze u teškoj materijalnoj, stambenoj, zdravstvenoj situaciji, odnosno veliki broj lica čije porodice žive bez redovnih primanja, a da bi se prevazišla ili ublažila ovakva situacija Grad Goražde je planirao sredstva u budžetu Grada u iznosu od 70.000,00 KM na poziciji Beneficije za socijalnu zaštitu, kako bi se pružila pomoć licima koji se nađu u stanju socijalne potrebe da prevaziđu teške materijalne, zdravstvene i druge probleme u kojima se nalaze.

Kako bi se ova sredstva namjenski, javno i transparentno utrošila i ravnomjerno podjelila svi potencijalnim korisnicima potrebno je donijeti ovu Odluku o usvajanju Programa raspodjele i utroška planiranih novčanih sredstava u budžetu Grada Goražda za 2021. godinu u kojoj su utvrđeni korisnici sredstava, kriteriji i način dodjele i raspodjele novčanih sredstava po korisnicima.

Obzirom da su u 2021. godini budžetom Grada Goražda planirana sredstva u iznosu od 70.000,00 KM za socijalnu zaštitu, plan raspodjele sredstava po ovoj Odluci je sačinjen na osnovu pokazatelja o izvršenju i utrošku novčanih sredstava po pojedinim stavkama iz predhodne godine, tako što su sredstva planirana za najbitnije potrebe lica koja se nalaze u stanju socijalne potrebe.

Sredstva u iznosu od 25.000,00 KM planirana kao jednokratne novčane pomoći majci/porodilji novorođenog djeteta su planirana na osnovu pokazatelja iz predhodne godine, a na osnovu Odluke Gradskog vijeća Grada Goražda.

Sredstva u iznosu od 25.000,00 KM planirana su jednokratne novčane pomoći licima i porodicama koja se nađu u stanju socijalne potrebe zbog teške materijalne situacije i za lica kojima je potrebno liječenje i nabavka lijekova a koja sa svojim prihodima nisu u mogućnosti se adekvatno liječiti i nabavljati lijekove. Napominjemo da veliki broj lica ima potrebu za jednokratne novčane pomoći kako bi mogli nabaviti osnovne životne namirnice zbog teške materijalne situacije kao i veliki broj lica koji im je potrebna pomoć za liječenje i nabavku lijekova. U skladu sa članom 129. Zakona o socijalnoj zaštiti BPK-a Goražde obaveza Grada je da u budžetu Grada planira sredstva za dodjelu jednokratnih novčanih pomoći licima koja je ova pomoć potrebna.

Sredstva u iznosu od 15.000,00 KM planirana su za troškove dženaze -sahrane u slučaju smrti korisnika stalne novčane pomoći. Grada Goražda je u budžetu obavezna planirati sredstva za ove namjene obzirom da je Zakonom o socijalnoj zaštiti BPK-a Goražde propisano da Grad snosi troškove dženaze za umrle korisnike stalne novčane pomoći.

Sredstva u iznosu od 5.000,00 KM planirana kao neplanirani troškovi, a dodjeljivat će Gradonačelnik Goražda u hitnim slučajevima kako bi se ublažile posljedice i prevazišla situacija porodica i lica kojima je potrebna hitna pomoć zbog bolesti, teške materijalne situacije, iznenadnih stambenih problema, smrtnih slučajeva, školovanja djece i drugog, kao i sredstva za obezbjeđenje hedija prilikom obilaska porodica u toku godine od strane Gradonačelnika i predstavnika Službe i Udruženja, a po programu rada Službe za boračko-invalidsku i socijalnu zaštitu.

Kako bi se ova sredstva namjenski, javno i transparentno utrošila i ravnomjerno podjelila svi potencijalnim korisnicima potrebno je donijeti ovu Odluku o usvajanju Programa raspodjele i utroška planiranih novčanih sredstava u budžetu Grada Goražda za 2021. godinu u kojoj su utvrđeni korisnici sredstava, kriteriji i način dodjele i raspodjele novčanih sredstava po korisnicima.

